

CM- Jammu Master Plan

जम्मू-कश्मीर सरकार नै शुक्रवारें आखेया ऐ जे जम्मू मास्टर प्लान- 2032 दी अंतिम मंजूरी च चिर जमीन दे इस्तेमाल मुताबिक बांड- राजस्व साहबै ग्रां दी सीमा तय करने- लोकें दे सुझाव एतराजें गी शामिल करने ते बक्ख-बक्ख विभागें थमां जानकारी दी जांच करी लग्गा रदा ऐ। नतीजन जम्मू मास्टर प्लान दे हेठ क्षेत्र 6 जहार 52 इशारिया 3-3 स्कूएयर किलोमीटर थमां बदियै 7 जहार 77 इशारिया 8-4 स्कूएयर किलोमीटर होई गया ऐ जेदे च 3 सौ 50 राजस्व ग्रां बी शामिल किते जा'रदे न। बी.जे.पी. विधायक चन्द्र प्रकाश हुंदे सवाल दे परते च विधान सभा च मुखमंत्रि उमर अब्दुल्ला हो'रें आखेया जे जम्मू मास्टर प्लान 2032 जेड़ा जे 2021 गी शुरु कित्ता गया हा- इसी नमें सिरेया सरकार तरफा तय कित्ता जा'रदा ऐ।

<><><><><><>

Add Master Plan

तोंआई काबिला मंत्री जावेद राणा हो'रें विधानसभा दे बाहर मीडिया आहलें कन्नै गल्ल करदे होई दस्सेया जे सरकार नै जम्मू दे चिड़िया-घर जाम्बू-जू गी अंतराष्ट्रीय स्तह दियें सुविधाएं कन्नै लैस करने दी योजना तयार कीती दी ऐ- जेहदे नै इत्थै मते लोकें दी आमद जकीनी बनोग ते जम्मू प्रांतें च सैलसफा गी बढ़ावा थहोग।

<><><><><><>

Assembly Grants

जम्मू-कश्मीर विधानसभा नै वीरवारें जन शक्ति- जंगलात- पर्यावरण- सिंचाई ते हाइ प्रबंधन- जनजातीय मामले सनें केई मुख विभागें आस्तै ग्रांट मंगें दी मंजूरी कीती। सभा नै 3 जहार 241 करोड़ 77 लख रुपए पी.एच.ई विभाग- इक जहार 524 करोड़ 82 लख रुपए जंगलात ते पर्यावरण विभाग- इक जहार 606 करोड़- 99 लख रुपए सिंचाई ते हाइ नियंत्रण ते 406 करोड़ इक लख रुपए जनजातीय मामलें सरबंधी मैहकमे आस्तै मंजूरी कीते। ग्रांट मंग इक लंबी बैहस मगरा ध्वनि मत जरिए मंजूर होइयां। मंत्री जावेद राणा होरें इसी मूल संरक्षण- जल सुरक्षा ते जनजातीय केन्द्री विकास आस्तै नमां बाद्दा दस्सेया।

<><><><><><>

Pulwama Attack Black Day

समूलचा मुख अज्ज 2019 च होए दे पुलवामा आतंकी हमले च शहीद होए दे दलेर जोआनें गी चेता करदा ऐ। देश भरै च इस ध्याड़े गी इक काले ध्याड़े दे रुपै च चेता कीता जंदा ऐ- जंदू अज्जै दे रोज इक आत्मघाटी हमले च सी.आर.पी.एफ दे 40 जोआन शहीद होई गे हे। अज्ज उस हमले गी 7 बरे पूरे होई गेन। एह हमला 14 फरवरी 2019 गी पाकिस्तान आधारित आतंकी संगठन जैश-ए-मोहम्मद नै कीता हा। अज्ज उ'नें शहीदें गी चेता करदे होई समूलचा राष्ट्र नां छड़ा उ'नें शहीद जोआनें दी कुर्बानी गी चेता करने लेई उनेंगी श्रद्धांजलि देआ रदा ऐ- सगुआं आतंकवाद दा पूरी तगड़ेयाई कन्नै मकाबला ते एहदा समूलचा नाश करने दे धेइयै गी बी पक्का करा' रदा ऐ।

उपराज्यपाल मनोज सिन्हा हो'रें बी शहीद जोआनें दे बलिदान गी चेता करदे होई श्रद्धांजलि भेंट किती। उ'नें आखेया जे देश उन्दे अमूल्ल बलिदान गी हमेशा चेता रक्खोग।

<><><><><><>

Add Pulwama Attack Black Day

बक्ख-बक्ख संगठन- समाजी संस्था- तालीमी इदारे अज्ज इस मौके पर उ'नें शहीदें गी चेता करा करदे न- जेहड़े जम्मू-कश्मीर चा आतंकवाद दा खात्मा करने लेई तैनात अपनी ड्यूटी दौरान वीरगति गी प्राप्त होए हे। इक स्कूल दे बच्चें नै अज्ज इस मौके पर उ'नें शहीदें गी चेता करदे होई आखेया.

<><><><><><>

JJM Jammu

जम्मू च जल शक्ति मिशन नै तकरीबन सारे तय कम्म सफलता कन्नै पूरे करदे होई इक मील दा पत्थर हासल कीता ऐ। इस मिशन गी 2028 तोड़ी बदाई दिता गया ऐ ते एदे तैहत जम्मू च सारे घरें तोड़ी पीने आला पानी पुजाया गया ऐ। Executive इंजीनियर रशपाल सिंह हो'रें आखेया ऐ जे बची दी परियोजनाएं गी पूरा करने आस्तै कम्म चला'रदा ऐ। पानी दी आपूर्ति सरबन्धी किश दुई स्कीमें पर बी कम्म चला'रदा ऐ। मती जानकारी दिंदे होई रशपाल सिंह हो'रें आखेया.

<><><><><><>

Condolence Messages

उपराज्यपाल मनोज सिन्हा हो'रें साबका मंत्री कमर अलि आखून हुंदे काल पर गहरा अफसोस जाहिर कीता ऐ। उ'नें इस दुख दी घड़ी च उन्दे परिवार आलें कन्नै सांत्वना प्रकट किती। जम्मू-कश्मीर विधानसभा दे स्पीकर अब्दुल रहीम राथर हो'रें बी आखून हुंदे काल पर दुख जाहिर कीता ऐ। तोंआई विधासभा च साबका मंत्री ते विधायक- पीरजादा गुलाम अहमद शाह हुंदे काल पर दुख प्रकट कीता गया। सारे जनें हुंदे चेते च 2 मिन्ट दा मौन रक्खेया ते श्रद्धांजलि दिती।

<><><><><><>

GoC Pullanwala Visit

व्हाईट नाइट कोर दे GoC लैफ्टिनेंट जनरल पी.के मिश्रा हो'रें शुक्रवारें जम्मू दे प्लांवाला क्षेत्र च नियंत्रण रेखा दे कन्नै लग्गदे इलाके दा दौरा लाया। उ'नें सुरक्षा स्थिति ते प्रतिक्रिया सरबन्धी त्त्यारी दा जायजा लैता। उन्दे कन्नै क्रास स्वार्ड डिविजन दे रोमियो फोर्स दे GoC बी मौजूद हे। इस दौरें दा मकसद आतंकवाद विरोधी तंत्र दी मजबूती ते क्षेत्र च हर तरीके दी त्त्यारी गी पक्का करना हा। व्हाईट नाइट कोर नै इसी निगरानी ते संवेदनशील बन्ने कन्नै लग्गदे इलाके च सुरक्षा गी कायम रखने आस्तै निरीक्षण दस्सेया।

<><><><><><>

CM- Herath

मुख्यमंत्री उमर अब्दुल्ला हो'रें अज्ज “हेरथ” दे मौके पर जम्मू-कश्मीर दे लोकें- टकोहदा करिये कश्मीरी पंडत समुदाय गी ममारकबाद ते शुभकामनां दितियां न ते सब्भनें लेई सलामती-

रमानदारी- तरक्की ते खुशहाली दी कामना कीती ऐ। अपने ममारकी सनेह च मुखमंत्रि होरें
मेद प्रगट कीती ऐ जे हेरथ दा पर्व जम्मू-कश्मीर च सदियें पराने सदभाव ते भाई-चारे गी
बढ़ावा दिंदे होई इत्थे एकता ते सांस्कृतिक इक्क-मिक्कता दियें तंदें गी होर मजबूती देग।
“महाशिवरात्री” गी कश्मीरी पंडत समुदाय दे लोक “हेरथ” दे रूपै च मनांदे न ते पूरी रात
जागियै वटुक पूजा दे रूपै च “महाशिवरात्री” दा विशेष पूजन करदे न। “हेरथ” शब्द हर रात्री
थमां लैता गेदा ऐ जेहदा मतलब ऐ- आदि देव भोले नाथ भगवान ते माता पार्वती दे पवित्र
मिलन दी रात।

<><><><><><>

Shivratri Mela

जम्मू दे पीर-खो च लग्गने आहला 4 दिन दा सलाना “शिवरात्री मेला” अज्ज शुरु होआरदा ऐ-
जेहड़ा 17 फरवरी धोड़ी जारी रौहग। मेले दे मुख आकर्षणें च रंगारंग सांस्कृतिक कार्जक्रम-
पारम्परिक छिंज- बच्चें लेई च्हूटें ते खेड्डां- मनोरंजन दे कार्यक्रम- खाने-पीने आहले स्टॉल ते
होर केई दिलचस्प चीजां शामिल न। मेले गी पूरी चाल्ली रमानदारी ते बवस्था आहलें ढंगै सिर
तोढ़ चाढ़ना जकीनी बनाने लेई प्रशासन आसेया निग्गर बंदोबस्त कीते गेदे न। मेले दा मकसद
“महा-शिवरात्री” दे मौके पर पीर-खो च शिवे दी पवित्र गुफा च दर्शन करने लेई दूरा-दूरा औने
आहले श्रद्धालुएं ते होरनें सैलानियें गी पारम्परिक रिवायतें ते बक्ख-बक्ख चाल्ली दियें
गतिविधियें ते मनोरंजन आहले माहौल च शिवरात्री मनाने लेई साजगार माहौल उपलब्ध कराना
ऐ। इस बारे जानकारी दिंदे होई सैलसफा विभाग दियां डिप्टी डरैक्टर सविता चौहान .

<><><><><><>

Snow Show Championship

केन्द्र शासित प्रदेश जम्मू-कश्मीर अज्ज शुरु होआ'रदी 10मीं राष्ट्रीय स्नो शू चैम्पियनशिप दी मेजबानी गितै पूरी चाल्ली त्यार ऐ। कश्मीर घाटी दे सोनामर्ग च लग्गने आहली 2 दिन दी इस चैम्पियनशीप च 13 राज्यें ते केन्द्र शासित प्रदेश थमां कोई 140 एथलीट हिस्सा लैने आए देन। चैम्पियनशीप दा सरिस्ता जम्मू-कश्मीर सैलसफा मैहकमे- जे.एंड.के स्नो शू एसोसिएशन ते स्नो शू फेडरेशन ऑफ इंडिया आसेया मिलियै कीता गेदा ऐ- जेहदे च प्रतिभागियें गी बर्फ पर खेड्डे दे कन्नो-कन्नी मनोरंजन दा बी मौका थहोग। तोंआई कल बांडीपोरा च गुरेज स्नो क्रिकेट प्रीमियर लीग 2026 दे कुड़ियें दे इक नमैशी मैच दा सरिस्ता कीता गया। एहदे नै घाटी दियें कुड़ियें दी क्रिकेट ते होरनें खेड्डें च दिलचस्पी बधोग।

<><><><><><>